

513. O EWIG YAHWEH, ONS SKEPPER EN VADER

1. O ewig Yahweh, ons Skepper en Vader,
ons buig voor U neer, soos die Woord
ons elke dag leer. (HalleluYah!)
O ewig Yahweh, deur die skepping sien
die wêreld, dat U lewe en regeer
tot in ewigheid, Yahweh.
2. Verlosser en Vriend, ons Koning en Meester,
U wil ons nou eer, met 'n loflied
diep uit ons hart. (HalleluYah!)
Verlosser en Vriend, aan die vloekhout
bring U redding, en ons lofprys en ons
sing van U grootheid meer en meer.
3. O Heilige Gees, ons Leidsman en Trooster,
kom neem die beheer, en versterk ons
in die geloof. (HalleluYah!)
O Heilige Gees, deur U werking kom
daar lewe, en ons jubel in ons hart,
want U liggaam sal herleef!